

The book cover features a light blue background with a textured, watercolor-like appearance. A horizontal strip of white, torn paper is layered across the middle, creating a layered effect. The title is printed in a dark blue, serif, all-caps font, centered on the white paper strip.

CAKAP ARAB
GAYA AL-QURAN

MODUL MUDAH BERTUTUR HARIAN

Siti Salwa Mohd Noor

Cakap Arab Gaya al-Quran:

Modul Asas Mudah Bertutur

(Nilai murni dalam Islam)

SITI SALWA MOHD NOOR

PRAKATA

Segala puji bagi Allah Subhanahu wa Ta'ala yang telah mengurniakan lidah untuk bertutur, akal untuk memahami, dan hati untuk menyantuni bahasa al-Quran. Selawat dan salam ke atas junjungan besar Nabi Muhammad ﷺ, insan paling fasih dalam bertutur dan paling luhur dalam menyampaikan kebenaran.

Buku ini, *Cakap Arab Gaya al-Quran: Modul Asas Mudah Bertutur*, menekankan petikan ayat al-Quran berkaitan nilai-nilai murni dalam Islam dihasilkan sebagai usaha murni untuk membantu pelajar dan pencinta bahasa Arab menguasai kemahiran bertutur harian dengan pendekatan yang lebih mudah, praktikal dan bermakna. Berbeza dengan pendekatan tradisional yang banyak tertumpu kepada hafalan struktur tatabahasa atau kosa kata yang terasing daripada kehidupan sebenar, modul ini mengangkat gaya bahasa al-Quran sebagai rujukan utama dalam membentuk ayat, intonasi dan struktur pertuturan asas. Al-Quran bukan hanya wahyu ilahi, tetapi juga contoh agung penggunaan bahasa Arab yang indah, padat, dan penuh hikmah. Justeru, dengan membina kemahiran bertutur berdasarkan frasa dan gaya linguistik al-Quran, pelajar bukan sahaja belajar bercakap Arab, tetapi juga menyerap nilai, adab, dan kefasihan yang dibawa oleh wahyu.

Modul ini disusun mengikut tema berdasarkan nilai-nilai murni yang terdapat di dalam al-Quran dan dekat dengan kehidupan manusia. Setiap unit mengandungi contoh petikan ayat al-Quran, kosa kata pilihan, penggunaan dalam struktur ayat, aktiviti bertutur, dan aktiviti tambahan sebagai rujukan gaya bahasa. Ia sangat sesuai digunakan oleh pelajar sekolah, guru, pendidik, atau sesiapa sahaja yang ingin bertutur dalam bahasa Arab dengan cara yang mudah berpandukan sumber tertinggi iaitu al-Quran al-Karim.

Ucapan penghargaan ditujukan kepada semua yang telah menyumbang idea, tenaga dan sokongan sepanjang penghasilan buku ini iaitu keluarga tercinta, rakan pendidik, serta pihak penerbit yang percaya bahawa bahasa Arab mampu dipelajari dengan pendekatan yang lebih dekat dengan jiwa. Akhir kata, semoga buku ini menjadi alat bantu yang berguna, bukan sahaja untuk membina kecekapan bertutur dalam bahasa Arab, tetapi juga untuk menanam kecintaan terhadap al-Quran sebagai panduan hidup dan sumber bahasa yang tiada bandingannya.

Sekian, selamat bertutur gaya al-Quran!

Siti Salwa Mohd Noor

Cakap Arab Gaya al-Quran

UNIT 1

SABAR (الصَّبْرُ)

Pada akhir bab ini, pelajar diharapkan dapat:

1. Menggunakan kosa kata al-Quran berkaitan dengan kesabaran dalam perbualan.
2. Menyatakan situasi yang memerlukan kesabaran dengan menggunakan bahasa Arab yang betul.
3. Mengintegrasikan ayat-ayat al-Quran secara sesuai dalam pertuturan.
4. Menyebut perkataan-perkataan al-Quran dengan sebutan yang tepat.

1. Pengenalan

Ayat ini membantu pelajar untuk mengamalkan kemahiran bertutur Bahasa Arab sambil menerapkan pengajaran al-Quran, khususnya konsep kesabaran (الصَّبْرُ).

2. Syahid al-quran

Contoh kata perbuatan dan kata nama:

[Surah al-Nahl: 127] وَأَصْبِرْ وَمَا صَبْرُكَ إِلَّا بِاللَّهِ

"Dan bersabarlah, kerana kesabaranmu itu hanyalah dengan pertolongan Allah."

[Surah al-Nahl: 126] وَلَئِنْ صَبَرْتُمْ لَهُوَ خَيْرٌ لِلصَّابِرِينَ ﴿١٢٦﴾

"...dan jika kamu bersabar, (maka) sesungguhnya yang demikian itu adalah lebih baik bagi orang-orang yang sabar"

3. Kosa Kata

Perkataan Arab	Maksud
أَصْبِرْ	Bersabarlah
صَبْرُكَ	Kesabaranmu
صَبَرْتُمْ	Kamu telah bersabar
لِلصَّابِرِينَ	Untuk orang-orang yang sabar

4. Struktur Ayat

Penggunaan	Ayat dalam Bahasa Arab	Terjemahan
1. Memberi nasihat	اصبر، إن الله مع الصابرين.	Bersabarlah, sesungguhnya Allah bersama orang-orang yang sabar.
2. Menceritakan situasi	صبرتُ حين واجهتُ صعوبة في الامتحان.	Saya bersabar ketika menghadapi kesukaran dalam peperiksaan.
3. Menggunakan ayat	كما قال الله تعالى: وَاصْبِرْ وَمَا صَبْرُكَ إِلَّا بِاللَّهِ.	Seperti firman Allah Taala: “Dan bersabarlah, dan kesabaranmu itu hanyalah dengan pertolongan Allah.”

5. Aktiviti Bertutur

Aktiviti 1	Dialog Berpasangan
Situasi	Rakan anda berasa kecewa selepas gagal dalam peperiksaan
Tugas	Beri galakan kepadanya menggunakan ungkapan daripada al-Quran
Contoh Dialog: A: أنا حزين لأنني لم أنجح في الامتحان. (Saya sedih kerana saya tidak berjaya dalam peperiksaan.) B: لا تحزن، واصبر، كما قال الله: وَاصْبِرْ وَمَا صَبْرُكَ إِلَّا بِاللَّهِ. (Jangan bersedih, bersabarlah, seperti firman Allah: "Dan bersabarlah, dan kesabaranmu itu hanyalah dengan pertolongan Allah.")	

Aktiviti 2	Lakonan Berperanan (Main Peranan)
Situasi	Seorang pelajar mengadu bahawa Bahasa Arab itu susah.
Tugas	Terangkan kepentingan bersabar dengan menggunakan ungkapan yang sesuai.
Contoh ekspresi yang boleh digunakan: 1. اصبر، إن الله مع الصابرين (Bersabarlah, sesungguhnya Allah bersama orang-orang yang sabar) 2. لا تيأس، فالله يُعين من يصبر (Jangan berputus asa, kerana Allah menolong orang yang bersabar)	

Aktiviti 3	Pembentangan Lisan
Tajuk	Kepentingan sifat sabar dalam kehidupan seorang Muslim.
Arahan	Gunakan sekurang-kurangnya dua ayat al-Quran. Berucap selama 2–3 minit.

Cadangan ayat al-Quran:

1. إِنَّ اللَّهَ مَعَ الصَّابِرِينَ
(Sesungguhnya Allah bersama orang-orang yang sabar)
2. وَاصْبِرْ وَمَا صَبْرُكَ إِلَّا بِاللَّهِ
(Dan bersabarlah, dan kesabaranmu itu hanyalah dengan pertolongan Allah)

3. Rubrik Penilaian

Kriteria	Cemerlang (4)	Baik (3)	Memuaskan (2)	Lemah (1)	Isi markah
1. Sebutan & Intonasi	Sangat jelas	Jelas	Agak kurang jelas	Tidak jelas-	
2. Penggunaan Ayat Quran	Betul & tepat	Betul tetapi kurang sesuai	Kurang tepat	Tidak digunakan	
3. Kefasihan Bertutur	Lancar & meyakinkan	Agak lancar	Tersekat-sekat	Tidak lancar	
4. Kaitan dengan Situasi	Sangat sesuai	Sesuai	Agak sesuai	Tidak berkaitan	
Jumlah Markah:					
Komen:					